

Iutum sit omne, inculcat *Sarctacrucius*. (b) *Balnea*, quæ tamen minoratâ jam materia parare *Forestus* recte monet, ne immaturè fusa materia copiosa nervos irruat, parali finq; inducat, ceu binis exemplis ex *Arculano* desumptis commonstrat. *Inunctiones*, ubi eximiè proderit oleum moscatæ expressum cum Zibetto mixtum & umbilico inunctū &c: *Præparata aliquò modō* materia purgante clyster evakuanda est, cujusmodi supra descripsimus, vel R. Decoct. camomill. unc. vi. ol. rutac. unc. ii. mell. unc. iii. hier. picr. & benedict. laxativ. áá. unc. f. M. F. *Clyster Hartmannus* sequente solô dolorem cessare expertus est, quod R. juris pisor. unc. iii. extract. esul. dr. un. & s. bulliant simul ut extractum solvatur, adde ol. lin. unc. iij. salis scrup. i. aut dr. f. sal. gemm. dr. i. M. quod injiciendum calidè. *Injiciendus* verò est omnis clyster purgans in affectu nostro inanitô iam Ventriculo, nec cruditates ex humorum crudorum affluxu in intestinis augeantur, dolorq; ingravescat, velut rectè monet *Septalius*. (c)

[a] Confer *Septalii animadversi* l. 7. n. 67. (b) libr. 3. d. *impediment. magn. auxil. c. 30.* p. 381. (c) libr. 21. obs. 5. (d) cit. loc. p. 185. [e] E. alleg. loc. n. 69.

X X I I I.

Hæc dum aguntur, per os etiam *incidentia & attenuantia* propinanda sunt, qualia syrup. d. menth. d. 2. & 5. rad. d. hyssop. d. cort. citr. aliiq; hujus farine syrupi. *Cathartica* etiam, præmissis d. m. præmittendis, exhibenda sunt quibus, ut infra quoq; monebimus, anodyna, dolor si nimis urgeat, admiscenda. *Riverius* [a] pilulis multum tribuit, quæ R. aloes opt. dr. i. laud. opiat. gr. iii. diagryd. gr. vi. easq; hora commodâ assumtas dolorem post horam sedare & humores evakuare noxios attestatur. *Forestus* medicamentum *Præceptoris* sui *Elidei* admodum laudat,

D 2 .

quod